

Waraga ya Bölis ma tunggu co Filimon Tafa'da tamma

Bölis ya tafiini ya aganna ka pabuusu ya, yiini ka tarigiri waraga ya. Filimon aga ömö'di ma kaniisa ya ana almaala dhabbu ya, a tasaga tiya iini Önisimös ka arünö ya. I'i amma ka Yasu akinyi linggo a Bölis. A Bölis tuurugu Önisimös co Filimon a waraga tiya, iki iini a'da afa kini. Ka serÿe ma Rööma iki a'da, ömö'di tiidi tasaga yiini kini ka tarünö. A Bölis tiki a Filimon a'da amma ka tasaga tiya iini kada ömö'di ma kaniisa kada örre tiya iini.

Töøjülü

¹ Waraga ya ö'dö ndama a'a na Bölis no, ömö'di yunggo ka pabuusu ka üüdü ma ya Yasu Almasihi ya nja örre ma angnga Timosaws, unnggo takunggu co o'o Filimon ömö'di ma linggo yüüdi nja tata'diila ma unnggo. ² Nunggu co ñnye tammo aja Abafiya nunggu co nja Arkibus teefe ma angnga ya alinggo nja angnga nunggu co kaniisa tammo küdü ka 'di mo.

³ Aaga aneene a türü tanno Masala Pupa yaaja a ta'diila miini nja Uugaara Yasu Almasihi.

Tasaasa na Filimon nja tamma ka Masala

⁴ Filimon, üürü eede ka tafara ka Masala nagügi a'a eere yüüdü namana ta'diila a Masala

⁵ kudumma a'a ka taföonyö a'da o'o namma

ka Uugaara Yasu nja tasaasa kadu ma kaniisa nye'd'de kungngo. ⁶ Afa müüdü ka toso ka tamma ka Masala nja kadu töccö, ara a'a ta-fara ka Masala amang kene tö'dö tussu baraka nye'd'de ya Almasiihi ka anangnga angnga ya. ⁷ Ka'diila oona eede ka tasaasa tanno üüdü no күдү ka anangnga kadu ma kaniisa ka tadhodho ka nanggeedi.

Teema tumma ma Önisimös

⁸ Nggeege ara a'a takuru rüsü ana Almasiihi kada örre tiya üüdü niki o'o a'da nüünü nñimö yüüdü ka tüünü ada a'a ya. ⁹ A kudumma eede ka asaasa o'o, yungngo eede ka tirina o'o, a'a na Bölis no kada dharu kungngo, nanna ka pabuusu kudumma Yasu Almasiihi. ¹⁰ A'a nasaasa o'o a'da namma ka Önisimös ka üüdü miini, kudumma iini ka taganna ka pabuusu nja a'a afa 'bii'bala yeede. ¹¹ Ka dhidha taalo a'diila nja o'o, a 'bitingngö anda 'diila nja o'o nja a'a afe'de.

¹² Ara a'a tapadaga i'i co o'o yeede ka asaasa i'i ana eedi. ¹³ Nasaasa a'a tafa kini akarna ka 'buugu tiya üüdü ütү kita nja a'a akinyi linggo a'a eede ka tanna ka pabuusu, kudumma tumma ma Masala. ¹⁴ Taalo a'a nasaasa ta'bunu o'o kide, nasaasa a'a o'o nalinggo ndama eedi tiya üüdü, a'a taalo nara tüünü nñimö a'da nitaalo o'o namma kide. ¹⁵ Afeene afa ma Önisimös ka tunggeene üdü ka 'di agünü idhilli amang kini tapadaga күдү ka 'di turi. ¹⁶ A ndama uuru tanno taalo ara ta tasaga afe'de, lakiini agii'bi ta tasaga, anda teefe ma a'a dhorro, a күдү agii'bi ta tasaga anda örre күдү tanögöre ma Uugaara.

¹⁷ Üürü nümmü o'o a'a kada örre tiya üüdü ka Masala kidha ya, amma kini afa müüdü ka tamma kede kungngo. ¹⁸ Üürü i'i agüünī tatoroko ana o'o, üürü nasaasa o'o kömüsü kini ka oona ya, asaasa kede ara a'a ka anangnga o'o. ¹⁹ A'a na Bölis, narigiri a'a tumma no a nüsö ma a'a, ara a'a tanangnga eema ya o'o. Taalo a'a nara tütü ka kömüsü tammo eede küdü ka oona, kudumma eede ka tanangnga o'o kada ömö'di ma Almasihi. ²⁰ Örrre eede, üünī ta'diila ana a'a ka Uugaara kidha, 'baga eedi yeede ka Almasihi kidha.

²¹ Nussu a'a a'da ara o'o talinggo tumma neede ka tirina o'o no, nütü ka tussu a'da ara o'o talinggo eege ka tagii'bi neede ka tirina o'o no.

²² Indinaana 'buugu ma füngngö eede ku'bu, kudumma eede ka tindhigi a'da Masala mara tamma ka tafara tanno ada kono mo, mapadaga a'a kada kannna.

Töøjülü na eere no

²³ Abafaraas yungngo ka pabuusu nja a'a kudumma Yasu Almasihi ya öøjülü aaga. ²⁴ Nja Murkus nja Arestarkos nja Dimas nja Lüüka no alinggo nja a'a no. ²⁵ Fa ka türü tanno Uugaara Yasu Almasihi ka neene nja aaga in'dili kungngo.

Katcha

Katcha-Kadugli-Miri: Katcha (Old Testament)

copyright © 2020 Wycliffe Bible Translators, Inc.

Language: (Katcha-Kadugli-Miri)

Contributor: ECS Diocese of Khartoum Translation Department

All rights reserved.

2020-11-18

PDF generated using Haiola and XeLaTeX on 22 Feb 2024 from source files dated 29 Jan 2022

bc98a4a0-1c85-5c7a-932a-7dcefd213f80